

COSMOGLOTTA

Organ del Association International Cosmoglotta

Consacrat al developation e propaganda del

Lingue International Auxiliari Occidental

Redaction e Administration: COSMOGLOTTA, Mauer bei Wien, Austria.
Abonnement annual: 5 ö. S = 4 sv. fr = 0,75 doll. por membres: gratuit.

Annu VI

Januar-Februar 1927

Nr. 38 (1)

5 annus de Occidental e li recent situation.

5 jaroj de Occidental kaj la nuna situacio.

Occidental:

Hodie it es quin annus desde que Occidental apparit ante li monde interlinguistic in li nov jurnal „Kosmoglott“. Ne existet ni grammatica, ni claves, ni vocabularies ne-cos! E támen omni interesetes ha tre bon comprehendet omnicos. Li critica del altri systemas, specialmen Ido e per to mediat anc Esperanto, ha evocat un acut polemica in li mundlingual presse. Ne ha eventet ni un sol vez que li articules in Kglt scrit in Occidental ha esset miscomprendet de li adversarios. Ja per ti nudi facte sta refutat omni assertiones de inamicos que Occidental es incliar e misguidant! On mey prender in calcul, que li unésim claves anglesi, german e francesi ha apparit unésimli pos un demi-annu e li radicarium esset finit solmen pos tri annus pro manca de medies. Anc ne

Esperanto:

Hodiau estas kvin jaroj depost kiam Occidental aperis antau la interlingvana mondo en la nova jhurnalo „Kosmoglott.“ Ne ekzistis nek gramatiko, nek shlosiloj, nek vortaroj nenio! Kaj tamen chiu interesitoj bonege komprenis chion. La kritiko de la aliaj sistemoj, aparte Ido kaj per tio pere ankau Esperanto, ekscitis fortan polemikon en la gazetaro mondlingva. Ne okazis ech unufoje, ke la artikoloj en Kosmoglott, skribitaj en Occidental, estis malghustkomprenataj de la kontrauuloj. Jam per tiu nuda fakto estas refutitaj chiu asertoj de malamiko, ke Occidental estas malklara kaj erariganta! Oni prenu en kalkulon, ke la unuaj shlosiloj anglaj, germanaj kaj francaj aperis unufoje post unu duonjaro kaj la radikaro estis finata nur post tri jaroj manke de rimedoj. Ankau ne chiu

Occidental:

omni adversarios possedet it. Un lexico national-Occidental mem ne existe til hodie. (Almen ne un printat, nam in manuscrite es ja pret plu quam un annu e nu comensat apparir in liverationes li lexico German-Occidental de Josef Gär). E malgré to on scri e parla un Occidental admirabilmen homogen in li divers landes.

ESPERANTO ha expandet se sur un publica virginal in sense mundlinguistic. It have do li glorie har expandet e propagat li idé del lingue international inter li publica. IDO, basat sur autoritá del famosi Delegation, grand capitales e li eminent energie del conosset prof. Couturat, ha posset strax comensar con un suficient grand reformistic clientela de esperantistes. LATINO SINE FLEXIONE, ductet del prominent matematico professor Peano, havet un camp inter scientistes, latinistes e italianos.

Ad omni interesset e interessibil persones ja essent in un del existent systemas, it ha posset semblar un follie apparir ancor con un nov systema pos li fallida de cent altri ephemer projectes. Sol, sin financial base, durant mult annus stant exter li activ moviment, li autor de Occidental comensat li lucta contra li grand organisationes, ductet de persones conosset pro lor energie, eloquentie e

Esperanto:

kontrauuloj posedis ghin. Lek-siko nacia-occidentala ech ne ekzistas ghis hodiau (Almenau ne presita, char en manuskripto jam estas preta pli ol unu jaron kaj nun komencis aperi en liverajhoj la leksiko germana-occidentala de Jozefo Gär). Kaj malgrau tio oni skribas kaj parolas admirinde homogenan Occidental-on en la diversaj landoj.

ESPERANTO disvastighis sur publiko virguleca en senco mondlingvana. Ghi do havas la gloron esti disvastiginta kaj propaginta la ideon de la lingvo internacia inter la publiko. IDO, bazita sur autoreco de la fama Delegitaro, grandaj kapitaloj kaj la eminenta energio de la konata profesoro Couturat, povis tuj komenci kun sufiche granda reformemula eksesperantista anaro. LATINO SINE FLEXIONE, kondukita de la eminenta matematikisto profesoro Peano, havis kampon inter scienculoj, latinuloj kaj italoj.

Al chiu interesataj kaj intereseblaj personoj jam estantaj en unu de la ekzistantaj sistemoj povis shajni frenezeco, aperi plue kun nova sistemo post la bankroto de cent aliaj efemeraj projektoj. Sola, sen financa bazo, dum multaj jaroj staranta ekster la aktiva movado, la auro de Occ. komencis la bataladon kontrau la grandaj organizacioj kondukitaj de personoj konataj

Occidental:

scientia fama. Ma li preparat dum 30 annus scientific armament anihilativ esset tam efficaci, que li attacates strax ha esset presset in li defensive sur tot linea; li provas de contra-attaca fe fallir lamentabilmen.

In li unesim témpore li Esperantistes esset benigni, proque li unesim attaca de Occidental esset directet contra Ido. Ili quasi ha joyat pri li nov inesperat socio in lor anti-qui lucta contra su schismaticos. E solmen poy ili ha comprehendet que li lucta contra Ido destructe anc li fundamentes de Esperanto. Li Esperantopresse quel durant mult annus ha simplicimen ignorat li Ido-movement, ne ha posset far lu sam con Occidental, e nu mem guidant periodicos de Espo ha concedet que teoricimen Occidental es li systema max proxim al ideal de un lingue international.

It ha custat li persistent energie e labor del poc unesim pioneros por subtener li movementie de Occidental in ti unesim annus. Li divergenties in Ido cresce, li fensura inter reformistes e conservatives dilata se. Pos curt témpor un separat movement idistic va esser impossibil. Li idistes va solmen haver li alternative unir se con Esperanto o con Occidental.

Esperanto:

pro ilia energio, elokventeco kaj scienca famo. Sed la dum 30 jaroj preparita neniiganta scienca armajho estis tiel efika, ke la atakitoj tuj estis en la defendado sur tuta linio; la provoj de kontrauatako plendinde malsukcesis.

Unuatempe la esperantistoj estis bonkoraj, char la unua atako de Occidental estis direktata kontrau Ido. Ili kvazau jhojis pri la neesperita kunulo en sia maljuna batalado kontrau siaj skismuloj. Kaj nur poste ili komprenis, ke la luktado kontrau Ido detruas ankau la fundamentojn de Esperanto. La esperanta gazetaro, kiu dum multaj jaroj simple ignoris la idistan movadon, ne povis fari la samon kun Occidental, kaj nun ech gvidantaj periodaj jhurnaloj de Esp-o konfesis, ke teorie Occidental estas la sistemo plej proksima al la idealo de lingvo international.

Subteni la movadon de Occidental en tiuj unuaj jaroj kostis la persisteman energion kaj laboron de la malmultaj unuaj pioniroj. La diverghecoj en Ido kreskas, la fendajhoj inter reformemuloj kaj konservativuloj plivastighas. Post mallonga tempo aparta idista movado estos malebla. La idistoj nur havos la alternativon unuigi sin kun Esperanto au kun Occidental.

Occidental:

Li colossal concessionones proposit del Idistes a Esperanto durante li conferenties in Genève 1925 contra du insignificant postulationes pri reforma del ortografie e implazzament del tabelle de correlativ pronomines per un plu natural, ha monstrat li tot dangere del situation de Ido. Ma li esperantistes ne ha fat concessionones. Esque ili va far tales por li conservativ idistes restant pos li schisma? It es dubitabil!

Esque nu Esperanto liberat de su grand concurrent Ido va posser triumfar? To depende solmen del politic situation in Europa, proque li decision in ti combatte va esser fat ci in Europa, ne in America, ni in Ostasia.

Si Europa in li proxim 10 til 20 annus va esser conquistat per li russo-chines bolshevistes o ruinat per mund-revolution o intern guerre, li victor va possibil esser Esperanto. Ma si li „common sense“ va vicer in Europa e ducer a un specie de solidari Pan-europa, it va esser un lingue developat sur base monstrat per Occidental, strax comprensibil por omni cultivat europans.

Nam tam long quam li cultural classes del population va guidar li sorte de Europa, un jargon quam Espo, li construction de quel sta exter li connexe con li traditional

Esperanto:

La grandegaj koncesioj proponitaj de la idistoj al Esperanto dum la konferencoj en Genève 1925 kontraŭ la sensignifaj postuloj pri reformo de la ortografio kaj anstataŭigo de la tabelo de la korelativaj pronomoj per pli naturaj, montris la tutan dangheron de la situacio de Ido. Sed la esperantistoj ne faris koncesiojn. Ĉu ili faros tiajn por la idistoj konservativaj restantaj post la skismo? Estas dubinde!

Ĉu nun Esperanto liberigita de sia granda konkurencanto Ido, povos triumfi? Tio dependas nur de la politika situacio en Europo, ĉar la decido en tiu batalado farighos tie-ĉi en Europo, ne en Ameriko, nek en Orientazio.

Se Europo en la proksimaj 10 ĝis 20 jaroj estos venkita per la rus-hhinaj bolshevistoj aŭ ruinigita per mond-revolucio aŭ interna milito, la venkinto eble estos Esperanto. Sed se la „common sense“ venkos en Europo kaj kondukos al iu speco de solidara Tut-europo, ĝi estos iu lingvo evoluinta sur bazo montrita per Occidental, tuj komprenebla por ĉiuj kulturitaj europanoj.

Ĉar tiellonge kiela kulturaj klasoj de la loĝantaro gvidos la sorton de Europo, iu ĵargono kiel Esperanto kies konstruiteco staras ekster la kuntenigo kun la tradiciaj europaj internaciaj

Occidental:

europan paroles cultural international, hereditat del classic antiquitá e medievie, deve fallir coram Occidental, quam ante 40 annus Volapük ha fallit ye apparition de Esperanto.

Creder que un institution quam Liga de Naciones o un simil vell posser accepter Esperanto ancor hodie, quande existe Occidental, es un infantesc utopie, un politica de avio struz. Omni resolutiones fat til nu in favor de Esperanto es fat por li idé e sub li suggestion que Esperanto es li sol Lingue International e que it es expandet immensimen: E támen omni ti resolutiones ha restat sur paper de gazetes. Un proverbie di: „paper es patienti“, ma anc por paper veni un limite, i. e. tande, quande manca spacie caus altricos plu recent. E ti cose recent es Occidental, til nu ancor poc conosset exter li circules mundlinguistic, ma nu ja in marcha.

Li sol apparition de Occidental che li congress de Pan-europa in Wien ha fortiat Esperanto a absolut silentie: ti ultim quasi ne ha existet. Li intrinsec superioritá de Occidental ha esset tro grand.

In futur Occidental posse expectar ancor un fort alliate contra Esperanto. Nam li apert protection fat a Esperanto de Sovet-Russia, quel ha editet postmarcas con inscription in

Esperanto:

paroloj kulturaj, hereditaj de la klasika antikveco kaj mezepoko, devas bankroti antau Occidental, kiel antau 40 jaroj Volapük bankrotis che apero de Esperanto.

Kredi ke institucio kiel Ligo de Nacioj au iu simila povus akcepti Esperanton ankoraŭ hodiaŭ, kiam ekzistas Occidental, estas infana utopio, politiko de la strutobirdo. Chiu rezolucioj faritaj ghis nun favore al Esperanto estis farataj por la ideo kaj sub la sugestio, ke Esperanto estas la sola lingvo internacia kaj ghi estas treege disvastigita: kaj tamen chiu tiuj rezolucioj restis sur la papero de la gazetoj. Proverbo diras: „papero estas pacienca“, sed ankau por la papero venas limo, tio estas: tiam kiam mankas spaco pro io alia pli nova. Kaj tiu afero de antau nelonge estas Occidental ghis nun nur mal multe konata ekster la rondoj mondlingvanaj, sed nun en marshado.

La nura apero de Occidental che la kongreso de Tuteuropa en Wien devigis Esperanton al nepra silento: tiu lasta kvazaŭ ne ekzistis! La interneca supereco de Occidental estis tro ega...

En la estonteco Occidental povas ghisatendi pluan aliancanon kontraŭ Esperanto. Ĉar la malkasha protektado farata al Esperanto de Sovjet-Rusujo, kiu eldonis poshtmarkojn kun

Occidental:

Esperanto, va bentost attraer li intensiv attention del ne-communistic reyenties de Europa, e tande Esperanto va esser in lor oculos li lingue del communistic conjurates.

Occidental, quel clar subtene li heredit classic-cultural base de Europa, aprofunda it e fa it accessibil a omni ver europanos, talmen es li natural lingue commun del cultivat Occidente.

Ancor Europa es li cerebre del munde, e si Europa va haver su lingue general, ti lingue va bentost dominar quam international anc exter Europa, proque it es li max facil lingue e in sam témpore contene li max mult civilisatori valores in un cristallclari transparentie.

Vermen li milannual cultura nu es por omnes!

Julian Prorók.

Esperanto:

surskribajho en Esperanto, baldau altiros la egan atentecon de la nekomunistaj registaroj de Europa, kaj tiam Esp-o en iliaj okuloj estos la lingvo de la komunistaj konspirintoj.

Occidental, kiu evidente subtenas la hereditan klasika-kulturan bazon de Europa, profundigas ghin kaj igas ghin alirebla al chiu veraj europanoj, estas tiel la natura lingvo komuna de la kulturita Occidentlando.

Ankorau Europa estas la cerbo de la mondo, kaj se Europa havos sian lingvon gheneneralan, tiu lingvo baldau regos kiel internacia ankau ekster Europa, char ghi estas la plej facila lingvo kai samtempe enhavas la plej multajn civilizajn valorojn en kristaleca travidebleco.

Vere la miljara kulturo nun estas por chiu!

Trd. E. G.

A nor letores.

Per li present caderne noi publica li unésim numeró del organ central de Cosmoglotta, Association International por developation e propaganda del Lingue International Auxilari Occidental.

Li jurnal COSMOGLOTTA es li successor de KOSMOGLOTT, revue aparit in Reval de 1922 til 1926.

Li sempre plu crescent movement de Occidental fat necessari transferer li guidant organ del lingue a Vienna, quel cité es specialmen qualificat quam sede, pro su central situation e caractere international (loc de congresses, sede de Paneuropa etc.)

Sr. Edgar de WAHL, li autor del lingue OCCIDENTAL, quel ha oficial transmisset li edition de su jurnal in li nro. 37 de Kosmoglott, dura esser cardinal colaborator anc del nov redaction.

Noi ha intitulat nor jurnal „Cosmoglotta“ pro que ti ci nómine (proposit por li futuri lingue international de prof. L. Guérard in su ovre *A short history of the international language movement*) es conform al scrition de OCCIDENTAL, li lingue propagat de noi, contra que „Kosmoglott“ ha esset apert a omni systemas.

Li Comité Central de Cosmoglotta garantia por li constant regulari aparition del organ, i. e. por annu 1927 ancor in intervalles bimensual.

It depende del contributiones de nor membres, tam per subventiones quam per colabration, in quel tempo organ e movement plu va developar e extender-se.

COSMOGLOTTA

Comité Central

J. Robert E. Pigal

Abonnamentes a COSMOGLOTTA

per postmandate, o bancnotes o chec in epistul recommendat al adresse: COSMOGLOTTA, Mauer bei Wien, Austria.

Contribution minimal por annu: 5 austrian Schilling (o 4 sviss frcs, 3 germ. Mk, 25 csl. K).

Con omni numeró del organ li abonntores receive un gratuit Supplement scientic-litterari, redactet de sr prof. H. Pašma.

Postulationes a Lingue International.

Persones stant extern del movement mundolingual e anc mult adherentes de special systema ne posse comprender pro quo tant divers systemas lucta un contra li altris e omni adherentes ne posse adjunter se a ti quel ha ja nu li max mult adherentes, i. e. Esperanto. Ili pensa, que si egal qual suficient facil lingue vell esser acceptet, li cose vell esser in bon statu e omni calamitás del multilinguitá vell esser annullat.

Un tal opinion tamen es tre superficial, proque it ne vide li fundamental differenties de punctu comensativ. Ja li rapid successe e li ancor plu rapid morte de Volapük vell har devet impressionar tal personas. Qualmen to ha esset possibil, e quel es li ultim cause de ti stran'i facte? Que Volapük intuit ha posset haver un tal immens succes in comparison con su construction monstra, que li comun idé, essent latent in li mund, tamen ancor ne ha esset differentiat; apartmen li critic situation del publica al nov idé e al facte de Volapük ne hat esset ancor clar. Solmen li apparition de Espo e li intern revolution (alias reformation) in Volapük ha monstrat, que li idé de un lingue general ha esset miscomprendent in su substantie. On ha sempre pensat, que lo desfacil in nor lingues ha esset li grammatica e li irregularitás. E nu on presenta un quasi-lingue sin exceptiones e con sufficient simplic grammatica. Li paroles es omni quam possibil uniformat ye un abstract schema, apart barbari stil, quasi neutral. Que to es un principie fundamental che Schleyer monstra li circumstantie, que mem omni international e absolut comun paroles es alterrat, p. ex. technica = *kaen*, locomotive = *lemüf* etc. Quancam Volapük ha existet ja 8 annus e havet 3 congresses, on tamen ne posset parlar ti lingue. On posset scrir it, leer e mem far e

comprender discourses, ma li liber parlada esset impossibil. Mi tre bon memora li provas che Sr. Rosenberger, un del max eminent volapükistes, president del academie, e diplomat professor de Vp. Un lingue tutmundan e absolut neutral ha monstrat se impossibil. Ne tant li facil o desfacil grammatica fa un lingue parlabil o ne ma 1) li paroles e 2) li metodes de expression de su pensas. Pro to, quande ha apparit Espo, quel unesim ha monstrat li possibilitá junter un regulari simplic grammatica con conosset radicas, Vp devet fallir. Li principie de un lingue quasi artificial talmen esset refutat. E ancor aliquicos: Li pretension: *menade bal püki bal* „a un homanité un lingue“ ha esset viceat per un altri. Desde tande on parla pri un lingue auxiliari e ne plu pri totmundan! Ma anc ti auxiliari lingue Esperanto hat li idé scriir a omni popules, quancam in veritá it sta in li idé sur un presc absolut europian fundamente, quant to concerne li radicas del paroles. Li grammatica ha semblat esser solmen un secundari accessori, quancam it es centvez plu europian, quam ti del Volapük. Ma nu li publica ja essent mult plu clarvident e pro li innatural formes de Espo qui choca ancor plu in un systema basat sur conosset europian radicas. Esperanto in 40 annus ne ha posset atin'er general approbation e acception e nequande va posser far to. Proque nu on ja ne es content con li idé de un lingue con conosset radicas e facil grammatica. Nu on postula ja internationalitá, max grand facilitá por omnis etc. e in li recent tempores por omni interessetes in un medie de communication. Do nu li manca del international paroles del technica, scientie, jure, economie, arte etc. in Esperanto e Ido es sentit quam manca fundamental. Li politic metode de Esperanto accepter omni ti paroles in plu minu conosset formes ducte a un grand númere de duplicates sin visibil differentie in li sense*) e pro manca de etymologic coherentie desfacilisa li lingue in immens gradu specialmen por li minu instructet persones e por ne-europianes, che queles it va evocar un absolut anarchie in li conceptiones pro li inevitabil erras e confusiones. Just pro to li SAT-organisation de ovreros ha enunciat un resolution con refusa de ti scientific paroles quam incomprendibil, e usation del regulari derivates. To es un tre comprendibil selfgarda contra submergentie in un infinit ocean. Chascun fort e vivent lingue producte su propri autonom e expressiv paroles. To on posse vider just hotempore pos li guerre in li nov flutu presc in omni lingues u li paroles extran es viceat per nov crescones national. Lu sam noi vide anc in li modern Esperanto con su curiosi autonom formes. Ma lu infelici in ti casu es, que ti nov formes es absolut charades por omni person stant extern del movement de Esperanto.

Do li nov postulationes ad un L. I. consiste in esser un ver europian e essentialmen international lingue; ne tantmen li absolutmen teoric e mecanic regularitá, quant natural facilitá e clar etymologic structura anc por ti persones, qui ne conosse omni sciential paroles; e antè omnicos un lingue quel posse servir por omni scopes, scientie, politica, comercie, etc., un lingue quel ne solmen es un jargon, un sorte de lingua franca, ma un lingue possent portar e incorporar li total til nu atin'et civilisation e cultura, un lingue possent evoluer in li direction commun del principal cultural europian lingues.

Li sol tal lingue es Occidental, quel ne have li artificial barragies de Espo-Ido etc por posser libermen evoluer in omni direction e sense. Omnicos in Occ. es natura, regulat vermen ne secun autocratic idées,

*) compar. *direktoro-direktisto, redakclo-redaktejo* etc.

ma secun leyes existent ja in li natural lingues et til nu solmen sentit in subconossentie. In Occ ti leyes es nu evident por omnis.

It es clar, que anc Occ in su hodial statu ne es absolut complet o perfect; lu essential es que it contene li gérmines por un possibil grand evolution. It va depender del jardineros, qui va cultivar it, if it va antin'er li developpation desirat, o esser supercrescet per malherbe.

On vell posser questionar: Si ja descender al origines, pro quo ne prender quam base Latino sine flexione de prof. Peano? Li cose es, que it ne representa un vivent lingue ma solmen materiales de un dishaccat antiqui lingue, demiparte de quel es solmen putral'a, e que ti lingue ne contene nullcos propri, null vivent, ni un sol regul de derivation, e li nov acceptet modern paroles inter li antiqua'la sta sin connexe, quam un modern bicyclist in companie de roman legionario.

Talmen un juntion de interlinguistes ne es possibil ni sur li base de Espo-Ido ni sur li pur antiqui-latin de L. s. F. Li actual expansion de Espo ne significa necos por su ver valore e su futurità. On mey memorar Volapük e su fate. Ma esque nu li labor tam grand de ti mult systemas es perdit? Yes e no! Quam autonom systema it es perdit, ma quam scalun in li evolution ad vermen usabil lingue de futur humanité cultural, it nequande es perdit, samli quam li antiqui grand culturas homan, egyptian, babylonian, grec, roman. Sin ili omni nor hodial civilisation vell esser impossibil, egalmen impossibil quam li nov cultura in marcha sin nor hotemporal evolution con omni su bril'anties e su defectes.

E. de Wahl.

Metode de combatte del transtemporanes.

Li progress de cultur es charjat sur li eposes de omni, queles participa in it consciente o inconsciente. Si anc ti charge es perceptet de singul samli grav, it es tamen different secun individue. Li creatori actives avansa de lor témpor determinante li futuri plu alt gradu per lor intuitiv presentiment, durant que li productiv effectuentes purifica criticmen ti ideal per lor logic meditation sur li via al realisation, frenante it conservativmen.

E tamen, o just pro to, omni labora quam un unic organisat volentie in li ovre, quam li ingenieros e li artesanies in li construction de ponte, e nequel credi-se plu important quam su compan.

Ma durant que li construction de un ponte o de un altri tecnic object es effectuat secun prescription definit in ante, li via del cultural evolution resta invisibil por li contemporanes: li executiv generation ne es capabil comprender li intentiones de su spiritual ductor, it es mem contraditori con il. Li natur del progress de cultur consiste in li successiv approximation del turbulones al maturità del nov genie. Ma ti amaturation posse exister solmen in li constant combatte inter li antean e nov opinion.

E secun li metodes de combatte on reconosse, if li combattentes apartene al turbulones o al transtemporanes, i. e. ti queles avansa de lor témpor.

Ples regardar solmen li benefatori demagogos, per quant intolerantie ili combatte contra li altri opinion, quasi si ili vell posser implazzar li manca de potentie de lor conviction per li inpotentie de lor jalusie: pro que ili ne posse opposir un sufficient surplus de valore contra li altri opinion, ili exposi-se per li reciproc combatte e per li diffamation del „merce“ del concurrente por lassar brillar anc su propri bon qualitäts. Ili

vell preferer li pose de un victor (a quel ili vell dar, si possibil, un plu admirabil aspect) a un certissim presentiment de victorie, quo fá nos plu compassionat quam odiosi contra li adversario.

Lu sam ha esset probabilmen li sentiment de Galilei quande il con insucussibilitá de su conviction ha renunciat li marcas exterior de su combatte, e in presentiment de su victorie il ha posset mem dementir su doctrina. Noi epigones posse comprender hodie li total povresse del „superioritá“ oppositional de su témpor, e noi ne invidia su contemporanes ye li „halali,“ quo ti competent forum ha posset effecter super Galilei.

In li combatte pro li veritá li inpatient demagogo lassa animar-se per su aviditá al triumf, li convictet creator contrarmen per li valore de su revelation — il ya ne besona hastar.

If tal combattes desapari alquande o if ili va accompaniar nos til li extinction del homanité, qui posse dir it? Certmen it fure inter nor contemporanes in omni formes del intellectual revelationes, sive religios, artistic, scientic o sociologic.

Ad ultim apartene anc li combatte pro li universal lingue quam medie de intercomprehension del homanité civilisat. Alquande it ha esset inter valore e utopie, pro to it ha esset un combatte pro un idé; hotémpor in li epoc de aviatica e radio, presc ne existe ad-plu un seriosi dubita pro li real valore del universal lingue auxiliari si anc quelcunes credi in li possibilitá, prender ci un existent national mundlingue. Ma plu experientiosis e ti queles es plu proxim al real vive save que un national lingue nequande posse devenir un comun propriatá, ma que it resta limitat a poc preferetes, a queles ha esset possibilitat aprender li lingue perfectli, sive in li land de ti lingue, sive in li juness mersi a lor genitores bonsituat; li majorité contrarimen vell restar desheredat. Ma li indicies de un témpor, in quel un populari lingue universal va esser indispensabil, moni tro remarcabil por posser ne respecter it ancor long. Hotémpor ti combatte es plu pro li max apt systema quam pro li sanction in principie — i. e. hodie un combatte pro li systema.

Nu nequel de ti du combattes es ja finit.

Li question es: Esque li duplic front de combatte ne es un impediment, quel vell esser ad evitar in unesim rang? E vermen on audi voces, queles vide in it un destructiv dangere, e opine, on mey cessar li reciproc combatte del systemas pro un parat front unitari, sive per renunciation del ceteri systemas, sive per reciproc alliantie de omni systemas.

Ma si noi considera ti problema objectivmen e sin omni passion, noi deve approbar li natural procede; on ne posse mem misconosser un intentet division de labor, si on studia li historie de ti evolution.

Li principie del universal lingue consiste essentialmen in li desira, posseder un facil lingue auxiliari, quel es comprendet e parlat per li max mult homes sin exposir it super li propri national lingue o anc sin voler expulser li existent cultural mund-lingues.

Por posser pervenir al acception de ti principie, on ha besonat haver ante omnicos un tal lingue.

Li unesim prova, *Volapük*, ha fallit pro li intention de tro grand universalitá. On ha volit satisfar omnis e ha satisfat nequem. Li lingue ha devenit por omni egalmen desfacil, egalmen incomprendibil e egalmen inusabil, malgré su simplicissim regules.

Li proxim considerabil project, *Esperanto*, ha posset ne solmen conservar-se til ho-témpor, ma anc posset prubar que li principie del universal lingue es san e vivi-capabil.

Por ne esser miscomprendet, mi sublinea que mi opine ci li principie e ne ti systema del lingue universal.

Esperanto es basat sur un artificial e simplicissim grammatica e parol-formation, al asprità de quel ha devet acomodar-se un vocabularium col'at ex divers lingues. Naturalmen it ha ductet a deformitás, quo ha càrricat mem li max international paroles til inreconossibilitá. Ti inreconossibilitá es augmentat ancor per li economisation in li vocabularium de Esperanto, derivant p. ex. li contrari notiones ex un radic (curt=*mal-longa* etc).

Támen ti lingue have li merite hante portat li banniere de victorie profund in li popularité e presc hissat it sur scoles.

Ma nu in li moment ante li decisiv combatte, quande tant capitale es ligat in li literatur de Esperanto, li tēpor ne ja ha venit por reformar li systema, o mem mutar it secun li experienties collectet til nu. Mem un self-negation victoriosi es necessari por resister al self-sentit necessitá de reforma — e li Esperantistes possede to in abundantie.

Altrimen on ne posse e ne deve restricter li aspiration al perfectitá: adver li universal lingue posse conquistar su plazze anc con modest qualitás, ma tener e defender solmen per li max bon armes; i. e. por ducer li principie til victorie, Esperanto ha esset advere sufficient bon, ma ne anc por tener it. E li combattentes ne posse forjar e aplicar li armes in sam tēpore.

To es li natural fortia al metodic division de labor quam it ha devenit principie in tecnica.

Li combattentes por li principial sanction, li „practicos,” deve restar conservativ, altrimen ili vell perder li combatte; li combattentes por li max bon systema, li „teoreticos,” deve laborar infatigabilmen trans li unesimli mentionat combatte, altrimen ili vell crear ne-cos: li final effecte es comun: li max apt lingue universal quam un valore comun por omni nationes.

Ti definition dá anc li caracteristica de ti futuri systema.

Pro que it deve tener su egal indigenitá in li cadre del occidental civilisation actual del munde, it ne besona considerar omni lingues del terre (arab, chines, turc etc), ma solmen nor cultural lingues (angles, frances, german etc), nam alquei de ti es sufficient conosset in omni ceteri nationes por esser comprendet de ili.

Por esser un lingue populari e strax usabil it deve esser immediat comprensibil. Pro to it ne deve contentar-se con li internationalitá de radicas (*Ido* ha atin'et to ancor plu mult quam Esperanto) ma deve aspirar anc internationalitá in parol-derivación e gramatica.

Li postulation de prof. Jespersen „li max facil aprensibilitá por omni” es solmen seductiv, li postulation ulterior de E. de Wahl „li max facil comprensibilitá por ti, queles usa li lingue” es mem obligativ.

Li experientie demonstra que just li povritá de regules crea un abundantie de incomprensibil parolimages (charades). Pro to it es anc plu bon, obtener plu natural formes per du o tri regules quam accepter parol-„grotescas” solmen por mantener li principie del un unic regul.

Ti considerationes ha ductet al creation de Occidental, e li universal lingue auxiliari del futur „Cosmoglotta”, promisset de prof. Guérard-Stanford University, ne ad-plu posse differer essentialmen de Occidental.

Ma qui es convictet de ti conception quam mi, ne posse esser tam superficial, considerar li Esperantistes quam adversarios (sin parlar del ceteris)) ma just li contrarie: quam li fanatic pioneros sacrificat al morte in li combatte pro li sanction del principie de lingue universal.

To ne besona esser basat sur reciprocitá, pro que li Esperantistes ne posse esser convictet del bonitá de lor lingue tant, por posser renunciar li combatte contra Occidental. Ma to eveni con li sam effect quam in su tēpor li combatte contra Galilei.

Mi vell mem consiliar, subtener li Esperantistes pertú, u pro manca de medies on ancor ne posse propagar Occidental, pro que sin Esperanto noi es comprensibil solmen a ti, queles comprende li respectiv lingue national; ma per omni nov Esperantist noi ha ganat un adplus, quel comprende Occidental sin mult instruction de usada.

Por noi, non-Esperantistes, on adver vell dever traducter unesimli Esperanto in Occidental.

E clar-vident Esperantistes save to; pro quo tande ancor persecuter les?

Ma mi ne consilia anc al contrarie, i. e. offertar les con li pace anc li fratern alliantie, pro que tal alliantie ne posse dar nos avantagies: on besona solmen aprofundar-se e occupar-se seriosmen in ambi lingues, e on va separar-se de Esperanto facilmen e decider-se totalmen por Occidental, durant que li Esperantistes have solmen li „avantagie“ de un plu grand adherentie e literatur, solmen pro li „prioritá“ e un avansa de presc 40 annus e ne pro li qualitás intrinsec del idioma.

E li Esperantistes save anc to.

Resumante mi vole dir: it es cert que li international lingue auxiliari es un beson sentit generalmen sin esser reconosset quam tal, in ultra on anc ne posse omisser li reciproc rivalitá del systemas.

Ma un duplic front de combatte es nu anc un necessari division de labor. Li via del „practicos“ e ti del „teoreticos“ deve esser parallel.

It es contra li natura de un convictet creator, usar li medie de combatte del demagogos, ma li presentiment del victorie deve satisfar le plu quam li pose del generosi victor.

J. Robert.

Novas ex nor camp.

Li constitution oficial del Association COSMOGLOTTA evenit in Vienna li 29 novembre 1926. A membres del Comité Central es electet: Ing. Johann ROBERT presidente; Ing. E. PIGAL vicepresidente; Eugen MOESS secretario; Anton VALENTI cassero; Alois DEMINGER bibliotecario. Li nov adresse del Association es simplic: COSMOGLOTTA, Mauer bei Wien.

Sr. Dimitri Snejko Minsk (Ukraina) ha comensat li labores por un lexico Russ-Occidental.

Sr. Jean Chanaud (Genève) ha publicat un *Index français* al Radicarium de Occidental in 8 lingues. Precie 1 ö. S = 0.75 frs sv.

Ex li mundolingual presse.

Le Monde Esperantiste Nro. 6 (148) cita quelc passagies ex Kgit Nro. 5.

In *Heroldo de Esperanto* Nro. 58, rubrica *Libera Tribuno* Jan Trichowski scti: *Estas pruvita fakto ke precipe instruistoj ne favoras ech rifuzas la lingvon* (i. e. Esperanto).

In li sam nro. Dr. Sós scri pri li Paneuropen-Congress e explica li missuccesse de Esperanto e que li exposition del caderne „Occidental“ es tutmen privat affere. — Noi pensa samli privat quam li action del Espistes, ma con plu bon success.

Heroldo de Esperanto Nr 1 (1927) rubrica *Ni kaj la aliaj* contene un raport pri li recent evenimentes in li Occidental-movemente e pri li foundation de Cosmoglotta.

Li firma *La Moderna Edukisto* Fr. Hampel-Leipzig ha extin'et-se.

Heroldo de Esperanto scri in Nr. 58 (385) sub titul „*Literatura Mondo mortis*“ *Sajne nia movado ankoraŭ ne estas suŭice forta por subteni apud multaj aliaj specialan literaturan altkvalitan kaj pro tio iom multekostan revuon krizo kaŭzita grandparte per la senkonscienco agado de certaj agentoj kaj „amikoj“ multaj reprezentantoj restis ŝuldantaj. Inter ili el Japanujo per kelkaj milionoj da kronoj.*

De ti cose noi posse traer li conclusion que inter li immens-criat numere de espistes ne es trovat sufficient *altkvalita* publica quel posse leer e gustar un literari revue de alt qualitat, it es, que just ti publica malgre li reclame de Espo ne vole accepter Esperanto. Homes con gustu literari clarmen deve esser chocat del barbaresc form de Espo. Li gros del epistes consiste ya ex collectores de postmarcas e postcartes illustrat, e un micri societate de circa 500 persones qui viagia a omni Espocongresses e subtene li movemente. Li altris have visibilmen tre practic pecuniari interesses, li unes quam editores de *literaturo* e li altres quam agentes, viagiantes etc ye custas del credaci publica. Nam tal plendes on posse leer in divers variationes in li tot mundlingual presse. Regretabilmen it es un facte quel es apt intoxicar li tot movemente de mundlingue. Ma on vermen ne save per qual medies on vell posser eliminar tal bass elements. It sembla que li adtrusiv propaganda postula tal persones, sin queles it ne posse exister, samli quam li politic-policie sin provocatores, e forsan un movemente con solmen ide-al directiones sin material avantagies ne vell haver tal fenomenes; ma esque un tal movemente intut es possibil e vivicapabil? Li homanite vermen es ancor sur tre bass nivelle!

Julian Prorok.

Recensiones.

Quam edition de Cosmoglotta Mauer bei Wien, in bell equipation ha apparit in tri lingues (german, esperanto e Occidental) un brochure propagativ de J. Robert e E. Pigal sub titul „Der Weg zur europäischen Verständigungssprache“ Li Via al lingue del european inter-comprehension, quel ha esset exposit in li Paneuropen Congress in Vienna e evocat sufficient attention, anc inter esperantistic publica.

Per su parallel textus e li exemples de drastic differenties inter li du concurrent lingues li impressionant caderne es tre instructiv. It vell esser necessari editer simil brochures anc in altri lingues. Un manca es forsan li absentie de un demonstration que li multitate de international paroles, derivat de centes de latin irregulari verbes, in Occidental representa regulari derivates, quo es li resultate de habilmen electet simplic e natural regules, un acquisition, quel til nu es unic inter li centes de projectes por un Lingue International. In omni casu un tal indication es necessari in omni scrit, destinat por scientistes e erudites. Por li grand publica it posse esser superflu.

E. W.

Panasia.

Secun prof. Ueda-Nagasaki li Pan-Asiatic congress ha desapprobat Esperanto e decidet que li congress mey studiar li possibilitá de un commun lingue basat sur li asiatic lingues.

Talmen li continental nationalism expande se plu, e un lingue tut-mundan deveni plu e plu problematic. Do it es li rect via por nos ne chassar ye utopistic idées, ma concentrar nor forties ad introduction de un vermen European lingue de occidental civilisation. Noi ne posse impedir li provas de altri continentes crear un propri lingue. Ma in omni casu noi have un avans in tempore de 40 annus de experientie in ti camp. Do che noi ti question va esser soluet plu antey, e tande it va depender de nor situation potential e cultural, ca on va aprender in li altri mund li lingue European o fortiar nos aprender un problematic lingue asiatic, o accepter un pidjin-Occidental. In omni casu it es clar que noi secue li sol practic e realisabil via. E. W.

Li innatural accentuation de curt syllables bon-european in „Esperanto“*).

Curt syllabe „-ul-“ (ex Latin).

In su lingue originari, in Latin, ti-ci syllabe servi tre sovente quam suffixe diminutiv e resta sempre in a c c e n t u a t: li accentu de l' concernet paroles jace sur li radice, quel porta li principal signification.

In lingues modern ti syllabe ha (pro n o n - a c c e n t u a t i o n) max sovent debilitat su fort vocal „u“ in „o“ (Italian) od „e“ (German), o mem perdit it total e desaparit in rol de syllabe.

In „Lingvo internacia“ ti sam syllabe secundari, essent penúltim, receive li obligatori accentu de l' parol:

angúlo (S ángulo, L ángulus, I ángolo, AF angle)

spegúlo (LA spéculum, G spiegel; I spécchio, spéculo; S espéjo, espéculo)

okúlo (L óculus, I ócchio, S ójo)

konvolvúlo (LA convólulus, I convólvolo)!

Ma anc tá, ù in Frances o German li syllaba „-ul-“ appari accentuat, li constellation de l' son in „Esperanto“ es essential altri: li sudromanice son de l' parole póstula anc un sudromanice accentuation. „Lingvo internacia“ accentua — a n t i r o m a n i c:

skrupúlo (I scrúpulo, S escrúpulo, D skrüpel, A scruple)

somnambúlo (I sonnámulo, S sonámulo)

tuberkúlo (S tubérculo, L tubérculum, I tubércolo, D tubérkel, A tubercle)!

Ti syllabe „-ul-“ appari anc in verbes e resta in Sudromanice tant in a c c e n t u a t quant esset in Latin. „Lingvo“ malgre su provocant-sudic desinentie „-as“ de l' conjugation de l' presente accentua altri:

li postúlas (= il póstula)

li kalkúlas (= il cácula)

*) Ex un brochure (in preparation): *Li anti-european caractere de „Esperanto“* de Ernst Graber (Dresden).

li modúlas (= il módula)
li inokúlas (= il inócula)
li manipúlas (= il manipula)

Un altri exemple es interessant pro li „lógica“:

li stimúlas (= il stímula).

Nam li medie por stimular, li stímulo (ISLAF), in „Esperanto“ deve esser nominat: *stimulilo!* . . .

In contra super li form predicativ:

ghi cirkúlas (= it circula)

mey esser mentionat, que ti verbe in su sense ne deriva-se de aquel „*cirkúlo*“ (per ci-to es significat in „Esperanto“ li circulation self), ma de -- *cirklo!* In ultra: ti-ultim ne mem es un vocábule official; nam li populari término por ti notion in „Esperanto“ es *rondo*. Li ital.-mus. „rondo“ in contra es *rondelo*, e li „rondell“ (FD) es *rondbedo*, ma: „ronda“ (IFAD) es in „Lingvo internacia“ — *rondiro* . . . *circulus vitiosus!* . . .

Abreviations:

A = angles, Celia = Comité Explorativ de Lingue International Auxiliari, Cgl = Cosmoglotta, D = german, Esp = Esperanto, Gr = grec, I = italian, Kgl = Kosmoglott, L = latin, L.I = lingue international, LsF = Latino sine flexione, Occ = Occidental, P = portugales, R = russ, Ru = ruman, S = hispan, SaC = Supplement a Cosmoglotta, Sl = slavic, Sv = svedian, Vp = Volapük.

II. Paneuropen-Congress

va haver loc in Bruxelles, octobre 1927.

XIX. Esperanto-Congress

va haver loc in Danzig 28 Juli til 4 August 1927.

Detal'es che U. E. A. Genève, Boulevard du Théâtre 12.

Abonnamentes, contributiones e subventiones por COSMOGLOTTA.

G. A. M.-London: 4 pd; M. d. O.-Rotterdam: 14, 8 ö. S; J. G.-Manhartshofen: 9 RM; A. M.-Boulogne: 10 fr. F; D. S.-Minsk 10 č. K; P. B.-Riga: 2, 66 ö. S; S. B.-Wellington: 2 sh; Dr. K. S.-Parchim: 4 ö. S; E. W. K.-Evanston: 2,82 ö. S. E. P.

Subventiones por C. E. L. I. A.

Comité Explorativ de Lingue International Auxiliari.

Prof. H. Pášma: 20 c K; J. Gär: 10 R M; G. A. Moore: 5 pd. E. W.

COSMOGLOTTA

Association International de Lingue Auxiliari Occidental.

Li programma del Association Cosmoglotta es introducter li lingue Occidental in omni dominias del munde civilisat in queles existe beson a lingue international auxiliari.

Annual subscription minimal: 5 ö. S = 4 sv. fr. = 0,75 doll. al adresse: COSMOGLOTTA, Mauer b. Wien, Austria.

Li membres recive gratuitmen li organ del Association e li Supplement scientific-litterari.

Union Paneuropäan

Por devenir membre ples misser contribution minimal de austrian Schilling 3, — per annu al adresse:

Union Paneuropäan Centraalsecretariatu Wien Hofburg.

Occidental-Literatur

Curt grammaticas-claves de Occidental in lingues Angles, Frances, German, Russ, Tchech a 0,30 ö. S (0,25 frs. sv.)

E. de Wahl: Radicarium directiv de Occidental in 8 lingues ADFIPRSSv 5 ö. S (4 frs. sv.)

Jean Chanaud: Index français au Radicarium. 1 ö. S (0,75 frs. sv.)

J. A. Kajs: Prakticky jazyk svetovych styku Occidental. 0,60 ö. S (Cena 3 Kc., vaz. 6 Kc.)

A. Z. Ramstedt: Nyckel til Occidental. 1 ö. S (0,75 frs sv.)

J. Gär: Wörterbuch Deutsch-Occidental ha apparit 5 liverrationes a 0,30 ö. S (0,25 frs. sv.)

J. Linzbach: Transcendent Algebra, 1,30 ö. S (1 fr. sv.)

Rabindranath Thákur (Tagore): Nationalism in Occident. Autorisat traduction de A. Toman. Precie 1,30 ö. S (1 fr. sv.)

Dr. R. Coudenhove-Kalergi: Li Paneuropäan Manifest. Autorisat traduction de E. Moess. 1,30 ö. S (1 fr. sv.)

J. Roberte E. Pigal: Der Weg zur Europäischen Verständigungssprache OCCIDENTAL, in D Espo e Occ. 1,60 ö. S (1,25 frs. sv.)

Por membres 10%o rabatt.

Recivibilche:

Cosmoglotta Mauer b. Wien, Austria.

Comité Explorativ de L. I. Eha 10, Reval, Estonia.

Editoria Occidental Česká 32, Brno, Tchechoslovacia.

Por postal expenses ples junter 10%o.
Informationes 2 respons-cupones.

SUPPLEMENT AL COSMOGLOTTA

JURNAL SCIENTIC-LITTERARI IN OCCIDENTAL.

REDACTOR-EDITOR: H. PÁŠMA, TÁBOR 1006, TCHECOSLOVACIA.

ADMINISTRATION: COSMOGLOTTA, MAUER BEI WIEN, AUSTRIA.

NUMERO 7

JANUAR 1927

ANNU II Nr 1

C O N T E N E :

	Pág.		Pág.
A nor letores	1	Comte Richard Coudenhove-Kalergi	7
Persian sententias de Saadi	2	K. Pelant: Bonissim stenographos	7
Angelus Silesius: Epigramm	3	R. R. Hofmeister: Nubete	8
E. de Wahl: Du profetias	3	Sententias de R. Thákur	8
Pos li unesim Congress Paneuropam	5		

Nr 8 va apparir li 1. marte 1927.

A nor letores.

Prendente ex li manus de Sr. E. de Wahl, qui vole un poc reposar, li redaction del Supplement al Kosmoglott, mi saluta cordialmen omni vel'i e novi letores e fautores. E li unesim parol, quel mi vole dir les, es li promesse que mi va sacrificar al direction del jurnal omni mu modest forties, ma anc mu profund devotion e amore por nor nobli idée.

Li Supplement al Kosmoglott (SaK) ha esset fundat ye mu initiative. E proque it trovat affabil acception che li letores, mi ha fat durant li vacanties passat preparationes por li edition de it quam un revue autonom; omnicos in accord e con approbation de Sr. de Wahl. Ma, plu tard ha fundat-se in Vienna li societé «Cosmoglotta», quel ha prendet sur se li edition del Kosmoglott. Nu it ha monstrat-se plu practic renunciar ye li autonom edition e continuar li edition de SaK quam un Supplement al Cosmoglotta (SaC), por ne dissipar energie, tēmpore e pecunie. Solmen li printa de SaC va far-se in Tábor pro practic motives.

Li scope del Cosmoglotta e del SaC es li sam: li normal e natural evolution e perfection del lingue Occidental.

SaC va conservar li caractere de un revue popular-scientific e litterari; durantque C. va persecuer su scope per theoretic explorationes e discussiones linguistic, per propaganda e organisation del moventie, SaC va marchar un altri via vers li sam scope per usation del lingue in omni branches del spiritual vive homan.

Li labor quel es talmen attribuet al SaC ne es sin grand responsabilità. Occidental es un lingue yun, sin long tradition, e quel til nu ne possede ni un complet grammatica ni un sufficient complet vocabularium (quel solmen in recent tèm-pore comensa apparir). In tal conditiones chascun usator del lingue deveni, mem si il ne vole it, quasi un «con-creator» de it, plu o minu habil, plu o minu autoritativ. Ulte to li autor del lingue self ha pluri vez declarat que il ne vole luder li role de un infallibil papa, dante plen libertà a chascun usator del lingue.

Li redactor conosse bon su responsabil position e il audacia prender sur se li redaction solmen proque li autor del lingue ha promesset le su constant collaboration e proque il espera trovar mult devoet e fervent collaboratores. Li recivet labores litterari va esser publicat sin change. Ma chascun autor deve portar personalmen li responsabilità pri li usat lingue, e pro to chascun articul deve esser signat per li autor; anonym labores ne va esser publicat. Samtemporalmen li critica mutual va devenir un postulat indispensabil. A ti critica es apertet li pàgines de C., o on posse comunicar su critic remarckas al autor self in privat epistules. Li autor, qui desira un tal privat correspondentie, mey adjunter a su signatur un remarck : (c. d.), it es : critica desirat.

H. Pášma (A. Toman)

Persian sententias de Saadi.

Labie quel menti
Besa ne minu dolci.

Plu vale mentie viventant
Quam un verità mortant.

Un pantere amnestiat
mult mutones condemnat.

E. de Wahl.

Angelus Silesius (1624-77):

*To va restar de te, quo es tu ideal:
terr', si it es terrestri, e Deo, si deal.*

Paraphrase de H. Pášma.

E. de Wahl:

Du profeties.*)

In li ultim témpores, ja ante li guerre, ma apartmen pos it, li interesse pri occultisme e profeties ha visibilmen fort augmentat e expandet se. Mult nov perspectives ha monstrat se in li tam obscur profeties de Nostradamus, mult antiqui predi-
tiones ha trovat su inattendet e clar confirmacion per li evident
factes. Sin penetrar ci in li causes del mysteries, ni prender
les sub li lupe del critica, mi vole ci solmen publicar du
casus de mirabil confirmation de profeties, queles mi self
personalmen ha experit e li autenticità de queles mi ci pu-
blicmen attesta. Ceterli it ne va esser desfacil trovar quant-
cunc altri attestatores a queles li du profeties esset conosset
ja de long témpore.

Ja quande mi esset ancor in gymnasia me ha sempre
chocat li circumstantie que li lignin scafaldage de construc-
tion che li bellissim conosset cathedrale de St. Issac in
St-Peterburg nequande esset evacuat, ma fe star de annu
in annu ja desde inmemorabil témpore in sam statu, e defecter
li aspecte de ti mirabil constructura. Quande unvez, to esset
in li 80im annus del secul passat, mi ha expresset mu astona-
tion e indignation pri tal incuidantie, on ha informat me que
existe un antiqui supersticie o profetie, que si on forprende li
scafaldage, li dynastie del Romanow bentost va perir. Ti
profetie esset conosset a omni Peterburges e anc hodie an-
cor posse esser attestat per quicunc plu etosi conciteanes.

Durant li guerre mundan mi devet morar quelc dies in
Peterburg in annu 1916 e con astonation constatat, que li
scafaldages ne plu offensat li ocul del spectator. Ye mu infor-
mationes desde quande existe ti novi statu on me ha dit, que
to es solmen fat ante nelong témpore. On save que li dynastie
del Romanows ha cesset in Russia in februar 1917.

*) Permisset a reprintation e traduction solmen sub condition de citation, que li pre-
sent articul es unesimll publicat in lingue Occidental in li revue Cosmoglotta. (Mauer
bei Wien).

Li duesim casu esset li secuent: Ja in li comensa del guerre in Reval cursat li texte de un interessent antiqui profetie deposit ante long témpores per un monac in li monastere de Wismar in Germania pri un grand guerre in ost. Ta esset dit: «Li pace in ost va venir quande li lande con li 9 stelles in su banniere va attacar del dorse li barbat mannes». Nu, it esset clar que li barbat mannes esset li russos, ma un lande con 9 stelles in li banniere ne existet. In 1918 mi accompaniat mu marita in li porto in Reval e ta mi videt un vapornave finlandes con li novi flag: it esset un yelb cruz sur rubi fund, e in li superior angul fe brill'ar 9 stelles. Mi strax monstrat it a mu marita con li paroles: «Nu, ta es ya li land con li 9 stelles». On memora que just in ti témpore li Finnes fat guerre con Russia bolshevistic in Karelia i. e. in li norde de Russia, do just in li direction opposit al antean fronte de guerre. Poc témpore plu tard ha esset subscrit li tractate de pace inter Russia e Germania in Brest-Litowsk. Ma lu max significativ cose es que ti flag con li 9 stelles ha existet in Finland solmen poc témpore e bentost ha esset viceat per un altri, un blu cruz sur blanc funde, quel ancor hodie flirta del mastes del flotte de Finland.

Do ci un totalmen accessori circumstantie de un ephemerie form de flag es strictmen ligat con li facte del inexpectat change del fronte e samtemporal conclusion de pace in Brest. Lu sam verifica se in li unesim casu referet, u anc es ligat du evenimentes totalmen independent un del altri, ma occasionalmen contemporan, de queles li un sin alcun historic signification. Just tal ligation de totalmen independent un del altri evenimentes es li characteristicum del ver profeties, proque it nequalmen posse esser precalculat e anc ne posse esser un hasarde pro causes mathematic, conosset ex li calcul de probabilitàs. Advere on have billiones de vezes plu chances gan'ar li grand pris in li loterie quam far un tal prophetie. Pro to Nostradamus qui ha publicat plu quam 1000 tal profeties, de queles ja plu quam cent ha verificat se, deve esser calculat quam li max grand profete, qui ha quandecunc existet.

Libertà, it es responsabilità. Ma just to es li cause proquò li majorité de homes abhorre it.

(B. Shaw.)

Li compate es solmen un form plu fin del despecte.

Pos li unesim Congress Paneuropean.

Li unesim Congress Paneuropean, organisat per li comte Coudenhove-Kalergi in Vienna, ha esset inaugurat in octobre passat per Mgr Seipel in presentie de un audiorie contant plu quam du mill persones. Li movement paneuropean, quel visa a realisar «li union economic e politic del popules de Europa sur un base federativ», appare al majorité de spíritus inpreparat quam un utopie, ma ja li patronage de politicos tam cuidosi pri li realitàs quam Sres Seipel, Beneš. Loebe e Cailloux, attesta que li idé tracia-se su via e que ti concret form del «reconciliation de popules» vell posser esser un die li terren, sur quel li Europeanes de bon voluntà va serchar se e va trovar-se. Sr. Briand, de quel on ha demandat un geste incoragiant, ne hesitat charjar li ministre de Francia in Vienna representar le in li session apertiv. Li ministre de Belgia recivet de Sr Vandervelde li mission representar su land durant li tot congress. Li sol Italia fascistic e Russia sovietic ha volet ignorar li movement paneuropean, quel plazza-se in fact rigorosimen sur li terren democratic. In revanche, on vide emerger in li unesim die al table decorat de standartes de omni nationes de Europa, un revenient, li russ republican Kerenski, li apparition de quel evocat presc tant ovationes, quam tut li passagies de discourses relatent li reconciliation franco-german. Sub ti ci raport, li manifestation max characteristic e li max remarcet esset li intervention del ex-cancelero Wirth, li eloquentie de quel ha pruntat al conferenties de Thoiry un calore reduplicat. It ne acte-se ci in tot quam ye paroles, ma it esset ya anc solmen paroles, per queles on excitat li popules al odia e decatenat li guerre mundial. It es incoragiant almen que li ton ha changeat-se.

✽

Noi cita li opinion del chef del principal partise guvernamental austrian: «Li idé paneuropean ha nascet del conscientie de desfacilitàs a queles li inpezzament de Europa condemna li habitantes del continent, e nequant solmen in li dominia economic. It ne acte-se pri opposir Europa al altri continentes, ma pri dar al Europeanes, al látere e super de lor plu strett patria, un patria plu larg, e in sam témpore pri assecurar de un modo plu methodic lor collaboration con li homes del altri continentes». Li idé paneuropean longtémpace esset li formul personal de un hom spirituos, particularimen

condescendent e apert, li comte Richard Coudenhove-Kalergi. Repandet con un fide apostolari per su promotor, it trovat adeptes numerosi e marcant in omni landes europian, ma ante omnicos, on deve constatar it, in li landes de german lingue.

In un missagie, quel il ha inviat al Congress, Sr. Beneš expresset su sympathie por li movement, sin dissimular tutvez, que li desfacilitàs va comensar des que del theorie on va passar al practica. «Li idé paneuropian, il dí, es de talis, quel strax conosset, progresse in li monde. Tutvez, it es un leye historic que simil idées presc nequande es realisat in lor form primitiv. Li movement paneuropian va dever adaptar-se al concret besones de politica e it va esser bentost ductet al revestir novi formes. To ne va tamen prender necos de su alt valore politic e moral. Li movement paneuropian ne va transformar li monde, ma it vell posser efficacimen contribuir a far plu bon e plu felici li vive del futur generationes in Europa».

Li Congress Paneuropian ha approbat un resolution, presentat per li commission del afferes economic, e demandant li Société de Nations (SDN) constituer un commission economic e doanari, charjat per regular li regim de exchanges commercial e fixar li maximal limit de charges doanari. Ti ci conferentie mey elaborar projecte, quel va esser submisset poy al favorabil approbation del guvernamentes. Li resolution demanda in ultra del SDN studiar li question de un union commercial e doanari, quel mey incorporar omni landes europian. Inter altri propositiones adoptet per li reunion, signalam ti, quel reclama li constitution de un comité permanent charjat examinar li questiones relativ al minorités samli quam ti, quel recommenda li convocation de un conferentie de expertes por li studie del questiones de credit.

In su discurse final, li comte Coudenhove-Kalergi declarat que li idé paneuropian, quel have ja por se millones de cives, ne depende nu quam del bon voluntà del diplomates. «Si noi ne va successer convicter ti quin cent persones, de queles depende li sort de Europa, noi va renvesar les. Li present congress es li unesim petre de un edificie, de quel necos de nun ne va posser haltar li construction». Del tot cordie noi desira al promotor del idé paneuropian que il perveni a trimphar super omni obstacules semat sur su via.

Comte Richard Coudenhove-Kalergi.

It vell esser vermen impossibil trovar un hom plu bon qualificat per su ascendentie quam li comte Coudenhove-Kalergi por fundar un Union Paneuropan. Ples nu escutar li historie de su familie:

Su pre-grandmatre esset Maria Nesselrode, filia de un nobil Polona e de un Germano, li comte Frederic Nesselrode, general-leutenant del tsar in Warszawa. In li età de deci-set annus illa maritat, in Sant-Petersburg, un negociant grec inversimilmen rich, nominat Kalergis, de quel illa, hante dat antey nascentie a un filia, ha separat-se por percurrer li capital cités europan. Illa fe fascinar per su bellità e incombrar de su favores tut li celebrités del epoca: Balzac, Théophil Gautier (qui depicte la in su «Symphonie en blanc majeur»). Musset, Heinrich Heine, li general Cavaignac, Chopin, Wagner, Liszt, Nietzsche.

Su filia, Maria Kalergis, pos har changeat su nómine in Kalergi, ha maritat in Paris li comte François Coudenhove, attaché al ambassade de Austria, e qui esset de origine angles. De ti ci union nascet in Vienna li comte Henri Coudenhove-Kalergi, qui pos har finit su studies universitari in Praha, ha lansat-se egalmen in li diplomatie e maritat in Tokio un Japanesa de distinction, Mitsu Aoyama. Il havet de la du filios, de quel li plu yun, prenominat Eijiro in japanes, es li comte Richard Coudenhove-Kalergi, fundator del Union Paneuropan.

Ples admitter que il ne ha posset far altrimen.

L'Europe centrale No 1 de 9. X. 1926.

Trad. H. Pášma (c. d.)

K. Pelant :

Bonissim stenographos.

Quande li expresident Roosevelt ha preparat su expedition til Africa, li redaction del revue «Outlook» ha offertat le un dollar por chascun parol de su articules. Roosevelt do serchat quelc habil stenographos, quis mey notar omnicos quo il va dictar les.

«Il mey ingagear actores» dit un hom experit, leente it in li gazette; «nam ili perfini un epistul de tri págines in quin secondes, remission al fémina de chambre inclusiv»

Trad. H. Pášma (c. d.)

R. R. Hofmeister :

N u b e t e.

Quam un sol micri blanc nubete natant in li pur azur del ciel es tu, mu anim, in li infinitá del cosmo!

E quam it, anc tu ne save, de ú tu veni e ad ú tu ea.

Quam un somnie li nubete vaga in li spacie e tende se al lontan e inconosset regiones, ú turbula colorosi soles e in-imaginabil splenditá de pre-sentit mundes, — e subitmen il oblivia omnicos e descende in pluviet al terre por refriscar li aridat vegetation, erecter li marcid flores per li succ del vive, reviventar per humiditá li jardines fatigat pro caliditá.

Anc mu anim nata talmen in li infinit spacie e tende se al max mysteriosi e max inconosset fontes del luce, ma li max solenni delicie por it vell esser transmutar-se in un miraculosi pluvie, quel per un novi succ vell refriscar li vegetation del homan pensas, erecter li flores del mentes e reviventar li jardines del animes fatigat per lu banal...

Ex li tchec trad. J. A. Kajš.

Sententies de R. Thákur.

(Ex li ovre Nationalism in Occidente.)

Nor intellectu es un asket quel ne porta vestiment, ne prende nutritura, ne conosse dorme, ne have desires, ne resenti ni amore ni odia ni misericordie por li limitationes homan, ma quel solmen rasona immobil in medie de inconstanties del vive.

*

Noi illusiona nos self credente que li humanità in li modern dies es plu progresset quam jamà ante. Li rason de ti self-illusion es que li hom posse servir-se del necessitá de vive in un plu grand mesure, e que su physical males es alleviat con plu grand effecte. . . . Li scientie e li effectuosità es potent, ma . . . lor servicie es quam li servicie in un hotel: it es inpeccabil, ma li hosped es absent; it es plu convenient quam hospital.

H. P.

AVIS. Mi denove peti li autores misser me in just tēpore e in abundantie lor labores litterari. Li manuscrites mey esser scrit per machin quam copies: ili ne va esser retromisset. Qui desira li retromission deve adjunter li post-expenses. *Red.*

Printeria MILAN NEDVÍDEK, TÁBOR. Tchechoslovacia.